




Broj: 03-36-13246-6/2025
Bihać, 15.12.2025. godine



SKUPŠTINA UNSKO-SANSKOG KANTONA

PREDMET: Prijedlog Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton, dostavlja se

Na osnovu člana 95. i 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Odluku o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton uz sljedeće

Obrazloženje

Vlada Unsko-sanskog kantona je na svojoj 25. sjednici, održanoj dana 15.12.2025. godine razmatrala i Zaključkom broj: 03-02-11490-364/2025 utvrdila Prijedlog Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton, predlagača Ministarstva obrazovanja, nauke, kulture i sporta te vam istu dostavljamo na razmatranje.


S poštovanjem.

Prilog: Prijedlog Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton

Dostavljeno:

1. Naslovu
2. a/a





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), na prijedlog Ministarstva obrazovanja, nauke, kulture i sporta, Vlada Unsko-sanskog kantona na 25. sjednici, održanoj dana 15.12.2025. godine, donosi

ZAKLJUČAK

I

Utvrđuje se Prijedlog Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton, s tim da se ista uputi Skupštini Unsko-sanskog kantona na razmatranje i konačno usvajanje.

II

Ovaj Zaključak stupa na snagu danom donošenja.

Broj: 03-02-11490-364/2025
Bihać; 15.12.2025. godine

PREMIJER KANTONA
mr. sci. Mustafa Ružnić

OBRAZLOŽENJE

I - PRAVNI OSNOV

Pravni osnov za donošenje Odluke o izmjeni Odluke o utvrđivanju nacionalnih kulturnih društava od posebnog značaja za Unsko- sanski kanton (u daljnjem tekstu: prijedlog Odluke), sadržan je odredbama V. A. 11. m) Ustava Unsko-sanskog kantona- Prečišćeni tekst ("Službeni glasnik Unsko-sanskog kantona", broj: 01/04 i 11/04).

Odredbe člana 2. stav (1) tačke e) i f), člana 3., člana 4. stav (1) točka b) i c) i člana 13. Zakona o kulturi („Službeni glasnik Unsko- sanskog kantona“, broj: 2/09) propisuju načela u oblasti kulture, definira se opći interes u oblasti kulture, ostvarivanje općeg interesa u kulturi i finansiranje općeg interesa u kulturi.

Član 95. Poslovnika Skupštine Unsko- sanskog kantona („Službeni glasnik Unsko-sanskog kantona“, broj: 9/14 i 11/21) definira Odluku kao skupštinski akt koji se donosi radi izvršavanja i konkretizacije Ustava, zakona ili drugih općih akata ili njihovih pojedinačnih dijelova.

II - RAZLOZI DONOŠENJA

Nacionalna kulturna društva Bošnjačka zajednica kulture „Preporod“, Hrvatsko kulturno društvo „Napredak“, Srpsko prosvjetno i kulturno društvo „Prosvjeta“ i Jevrejsko kulturno-prosvjetno i humanitarno društvo „La benevolencija“ temeljne su institucije kulture naroda Bosne i Hercegovine - Bošnjaka, Hrvata, Srba i Jevreja. Postoje više od jednog vijeka, te su po tome među najstarijim, danas postojećim institucijama u BiH.

Navedene nacionalne institucije kulture, od osnivanja pa nadalje, djeluju na području Unsko-sanskog kantona i svojim radom, dugi niz godina, doprinose kulturnom identitetu Unsko-sanskog kantona i Bosne i Hercegovine.

Cijeneći da se radi o društvima koja su od izuzetnog značaja za očuvanje kulturnog i historijskog naslijeđa Unsko-sanskog kantona i cijele Bosne i Hercegovine, na način da njeguju kulturu, tradiciju i bosanskohercegovački identitet svih njenih naroda, Skupština Unsko-sanskog kantona je donijela Odluku o utvrđivanju nacionalnih kulturnih društava od posebnog značaja za Unsko-sanski kanton: broj: 01/1-2-45-211/23 od 15.11.2023. godine, koja je objavljena u „Službenom glasniku Unsko- sanskog kantona“, broj: 27/23).

Aktom broj: 30/25 od 28.10.2025. godine Bošnjačka zajednica kulture- Općinsko društvo Bužim obavijestila je Ministarstvo obrazovanja, nauke, kulture i sporta o modifikaciji naziva nacionalnog kulturnog društva Bošnjačka zajednica kulture „Preporod“ u Bošnjačku zajednicu kulture.

Naime, na Skupštini Bošnjačke zajednice kulture „Preporod“ u Travniku održanoj 28.09.2024. godine donesena je odluka da se naziv Bošnjačka zajednica kulture „Preporod“ modificira u naziv Bošnjačka zajednica kulture.

Sve podružnice širom Bosne i Hercegovine prihvatile su obavezu da do mjeseca juna 2025. godine provedu izvještajne i izborne skupštine, te da na istim donesu odluke o izmjeni naziva, a nakon toga izvrše pravnu preregistraciju kod nadležnih kantonalnih ili entitetskih ministarstava.

Podružnice Bošnjačke kulturne zajednice „Preporod“ iz Bužima, Bihaća i Cazina su izvršile preregistraciju, dok se podružnice u Bosanskoj Krupi i Velikoj Kladuši još uvijek nalaze u fazi izmjena.

U prilogu dostavljenog akta nalazi se i Rješenje Federalnog ministarstva pravde broj: 04-05-2-369/98 od 25.10.2024. godine kojom se mijenja naziv Udruge kao i Informacija o modifikaciji naziva Bošnjačke zajednice kulture broj: 03-271 od 13.10.2025. godine.

Kako je Skupština Unsko- sanskog kantona donijela Odluku o utvrđivanju nacionalnih kulturnih društava od posebnog značaja za Unsko- sanski kanton broj: 01/1-2-45-211/23 od 15.11.2023. godine („Službeni glasnik Unsko- sanskog kantona“, broj: 27/23), u kojoj je naveden naziv društva Bošnjačka zajednica kulture „Preporod“, potrebno je izmijeniti navedenu Odluku i uskladiti je sa aktuelnim nazivom Udruženja.

U skladu sa članom 16. Poslovnika o radu Vlade Unsko-sanskog kantona („Službeni glasnik Unsko-sanskog kantona“, broj: 21/21), ovo Ministarstvo je zatražilo mišljenje od Ureda za zakonodavstvo u pogledu usklađenosti sa Ustavom Kantona i pravnim sistemom i metodološkim jedinstvom u izradi propisa, Ministarstva pravosuđa i uprave u pogledu usklađenosti s propisima o ostvarivanju ljudskih prava i sloboda i Ministarstva finansija u pogledu finansijskih sredstava potrebnih za izvršenje propisa.

S tim u vezi Ured za zakonodavstvo je dostavio Mišljenje broj: 21/02-36-13246-4/25 od 01.12.2025. godine na prijedlog Odluke, u kojem su date sljedeće sugestije:

- U Uvodu prijedloga Odluke ukazivanje na drugi propis (Poslovnik Skupštine Unsko-sanskog kantona) pravilno izvršiti navođenjem broja i godine objavljivanja Poslovnika u službenom glasniku sa svim izmjenama i dopunama, dodajući u zagradi u broj: 11/21, primjenom člana 40. stav (1) točka a) Pravila;

- u Uvodu prijedloga Odluke kod navođenja pravnog osnova u odredbi člana 95. Poslovnika Skupštine Unsko- sanskog kantona brisati izraz stav „2“, obzirom da u važećem tekstu Uvoda Odluke stav (2) člana 95. Poslovnika nije naveden,

- u članu 2. Prijedloga Odluke formulaciju o stupanju na snagu uskladiti sa članom 21. stav (5) Pravila.

Obrađivač propisa je u skladu sa sugestijama Ureda za zakonodavstvo, izvršio korekcije u predmetnoj Odluci.

Ministarstvo finansija je dostavilo Mišljenje broj: 04-11-14134-2/25 od 02.12.2025. godine u kojem se navodi da je Ministarstvo obrazovanja, nauke, kulture i sporta kao obrađivač akta postupilo u skladu sa članom 7. stav (1) Pravilnika o proceduri za izradu izjave o fiskalnoj

procjeni zakona, drugih propisa i akata planiranja na budžet, uz napomenu da obrađivač akta-budžetski korisnik treba da se pridržava gornje granice rashoda odobrene za svakog budžetskog korisnika za fiskalnu i naredne dvije godine, a u okvirima fiskalnih kapaciteta u Budžetu Unsko-sanskog kantona.

Ministarstvo pravosuđa i uprave je dostavilo mišljenje broj: 07-36-13246-3/25 od 27.11.2025. godine na prijedlog Odluke u kojem je navedeno da predloženi materijal ne sadrži materiju iz člana 16. stav (1) Poslovnika o radu Vlade Unsko-sanskog kantona, odnosno ne sadrži odredbe o ostvarivanju ljudskih prava i sloboda, odredbe o organizacije pravosuđa i organizaciji organa uprave i upravnih organizacija i odredbe o sankcijama.

III - FINANSIJSKA SREDSTVA

Za provođenje ove Odluke nisu potrebna dodatna finansijska sredstva.

IV – OBRAZLOŽENJE PREDLOŽENIH PRAVNIH RJEŠENJA

Član 1.

Kako je u Odluci o utvrđivanju nacionalnih kulturnih društava od posebnog značaja za Unsko-sanski kanton broj: 01/1-2-45-211/23 od 15.11.2023. godine („Službeni glasnik Unsko-sanskog kantona“, broj: 27/23), u članu 2 stav 1 alineje 1 bio naveden naziv društva Bošnjačka zajednica kulture „Preporod“, u skladu sa modifikacijom naziva, riječ „Preporod“ se briše.

Član 2.

U članu 2. određen je moment stupanja na snagu Odluke.

Pomoćnik ministra:
Adisa Eminoglu, dipl. pravnik
Sekretar Ministarstva:
Albijana Trnavci, dipl. pravnik



MINISTAR

Denis Osmanović, dipl. ecc



Broj: 21/02-36-13246-4/25
Bihać, 01.12.2025. godine

1949

MINISTARSTVO OBRAZOVANJA, NAUKE, KULTURE I SPORTA

PREDMET: Mišljenje na prijedlog Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton, dostavlja se;-

Na osnovu člana 4. Uredbe o Uredu za zakonodavstvo Vlade Unsko-sanskog kantona ("Službeni glasnik Unsko-sanskog kantona", broj: 9/11, 22/11 i 7/18), Ured za zakonodavstvo Vlade Unsko-sanskog kantona daje sljedeće:

MIŠLJENJE

na prijedlog Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton

Pravni osnov za donošenje Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton (u daljnjem tekstu: prijedlog Odluke), sadržan je u odredbama V. A. 11. m) Ustava Unsko-sanskog kantona – Prečišćeni tekst („Službeni glasnik Unsko-sanskog kantona“, broj: 1/04 i 11/04).

Odredbe člana 2. stav (1) tačka e) i f), člana 3., člana 4. stav (1) tačka b) i c) i člana 13. Zakona o kulturi ("Službeni glasnik Unsko-sanskog kantona", broj: 2/09) propisuju načela u oblasti kulture, definiše se opći interes u oblasti kulture, ostvarivanje općeg interesa u kulturi i finansiranje općeg interesa u kulturi. Član 95. Poslovnika Skupštine Unsko-sanskog kantona ("Službeni glasnik Unsko-sanskog kantona", broj: 9/17 i 11/21) definiše Odluku kao skupštinski akt koji se donosi radi izvršavanja i konkretizacije Ustava, zakona ili drugih općih akata ili njihovih pojedinih dijelova.


Nakon analize teksta dostavljenog prijedloga Odluke, shodno obavezi da se prilikom izrade propisa primjenjuju Pravila i postupci za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj: 71/14) – (u daljnjem tekstu: Pravila), Ured za zakonodavstvo Vlade Unsko-sanskog kantona sugeriše sljedeće:

- u Uvodu prijedloga Odluke ukazivanje na drugi propis (Poslovnik Skupštine Unsko-sanskog kantona) pravilno izvršiti navođenjem broja i godine objavljivanja Poslovnika

- u službenom glasilu sa svim izmjenama i dopunama, dodajući u zagradi i broj: 11/21, primjenom člana 40. stav (1) tačka a) Pravila;
- u Uvodu prijedloga Odluke kod navođenja pravnog osnova u odredbi člana 95. Poslovnika Skupštine Unsko-sanskog kantona brisati izraz "stav (2)" obzirom da u važećem tekstu Uvoda Odluke stav (2) člana 95. Poslovnika nije naveden;
 - u članu 2. Prijedloga Odluke formulaciju o stupanju na snagu uskladiti sa članom 21. stav (5) Pravila.

Ured za zakonodavstvo Vlade Unsko-sanskog kantona predlaže obrađivaču da nakon razmatranja sugestija iz ovog Mišljenja, predmetni materijal uputi u daljnji postupak.

Dostavljeno:
1. naslovu,
2. a/a





Broj: 04 - 11 - 14134- 2 /25
Bihać, 02. 12. 2025. godine

MINISTARSTVO OBRAZOVANJA,
NAUKE, KULTURE I SPORTA USK-a

PREDMET: Mišljenje o fiskalnoj procjeni, dostavlja se;
Veza, Vaš akt broj : 10-11-14134-1/25 od 21.11.2025. godine

Shodno članu 16. Stav1. Alineja 3. Poslovnika o radu Vlade Unsko-sanskog kantona ("Službeni glasnik Unsko-sanskog kantona" broj: 21/21), Ministarstvo finansija je u obavezi dati mišljenje na nacrt i prijedlog drugog propisa, odnosno drugog općeg akta, ako njegovo provođenje zahtjeva osiguranje finansijskih sredstava potrebnih za izvršenje propisa.

Dalje, po odredbi člana 1. i 2. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine FBiH " 34/16 i 15/18), obrađivač propisa i akata planiranja izrađuje izjavu o fiskalnoj procjeni prilikom izrade tih propisa i akata koje Vlada Federacije Bosne i Hercegovine, odnosno vlada kantona utvrđuje, donosi, odnosno na koje daje saglasnost, te propisa i akata planiranja koje Vlada predlaže Parlamentu Federacije Bosne i Hercegovine, odnosno Skupštini kantona.

U skladu sa naprijed citiranim Pravilnikom, Ministarstvo finansija razmatra i daje svoje mišljenje o fiskalnoj procjeni propisa ili akata planiranja, te dostavlja mišljenje obrađivaču propisa u roku koji je utvrđen Poslovníkom o radu Vlade. Sljedom gore navedenog dajemo sljedeće:

Mišljenje

Ministarstvo obrazovanja, nauke, kulture i sporta Unsko-sanskog kantona, je svojim aktom broj i datum gornji, Ministarstvu finansija dostavilo Prijedlog Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton, te Obrazac izjava o fiskalnoj procjeni (potpisan i ovjeren od strane ovlaštene osobe: Obrazac IFP-NE). Obrađivač je u obrazloženju naveo : "Navedenom izmjenom Odluke o utvrđivanju nacionalnih kulturnih društava od posebnog značaja za Unsko-sanski kanton neće imati fiskalnih posljedica na Budžet Unsko-sanskog kantona za 2025. (n) godinu kao i za 2026.(n+1) godinu , odnosno 2027. (n+2) godnu.."

Obzirom na navedeno Ministarstvo finansija smatra da je obrađivač akta postupio u skladu sa članom 7. Pravilnika u pogledu fiskalne procjene, uz napomenu da obrađivač akta - budžetski korisnik treba da se pridržava gornje granice rashoda odobrene za svakog budžetskog korisnika za fiskalnu i naredne dvije godine, a u okvirima fiskalnih kapaciteta u Budžetu Unsko-sanskog kantona.

S poštovanjem,
Obrađivač akta:
Zlatan Zirić, dipl.ecc.
Dostavljeno:

1. Naslovu
2. Minist. finansija
3. a/a

Po ovlaštenju ministra Ministarstva finansija
Zlatan Zirić, dipl.ecc.



10

1941

Broj: 07-36-13246-³ /25
Bihać, 27.11.2025.godine

MINISTARSTVO OBRAZOVANJA, NAUKE, KULTURE I SPORTA
-ovdje-

PREDMET : Mišljenje, dostavlja se,-

VEZA: Vaš akt broj: 10-36-13246-2/25 od 19.11.2025.godine

U skladu sa članom 16. stav (1) alineja 2. Poslovnika o radu Vlade Unsko-sanskog kantona („Službeni glasnik Unsko-sanskog kantona“ broj 21/21), o dostavljenom prijedlogu Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton, obavještavamo vas da navedeni prijedlog Odluke ne sadrži materiju iz člana 16. stav (1) alineja 2. Poslovnika o radu Vlade Unsko-sanskog kantona, odnosno ne sadrži odredbe o ostvarivanju ljudskih prava i sloboda, odredbe o organizaciji pravosuđa i organizaciji organa uprave i upravnih organizacija i odredbe o sankcijama.

Dostavljeno:
naslovu
-a/a



MINISTRICA

Sanela Zecić, magistrica prava

Broj: 30/25
Bužim, 28.10.2025. godine

29 - 10 - 2025

10-36-13246-1/25

PREDMET: Zahtjev za izmjenu Odluke o nacionalnim kulturnim društvima od posebnog značaja za Unsko-sanski kanton, dostavlja se, -

Poštovani,

tragom izmjene, tačnije modifikacije naziva nacionalnog kulturnog društva Bošnjačka zajednica kulture „Preporod“ u Bošnjačku zajednicu kulture, molimo da izvršite izmjenu Odluke o nacionalnim kulturnim društvima Unsko-sanskog kantona i istu uskladite sa novim, modificiranim nazivom.

Naime, na Skupštini Bošnjačke zajednice kulture „Preporod“ u Travniku održanoj 28.9.2024. godine donešena je odluka da se naziv Bošnjačka zajednica kulture „Preporod“ modificira u naziv društva Bošnjačka zajednica kulture.

Tragom donešene odluke, sve podružnice širom Bosne i Hercegovine prihvatile su obavezu da do juna 2025. godine provedu izvještajne i izborne skupštine te da na istima donesu odluke o izmjeni naziva, a nakon toga izvrše pravnu preregistraciju kod nadležnih kantonalnih ili entitetskih ministarstava. U tom smislu podružnica Bošnjačke zajednice kulture „Preporod“ Bužim, kao i podružnice u Bihaću i Cazinu su završile preregistraciju, dok se podružnice u Bosansko Krupi i Velikoj Kladuši još uvijek nalaze u fazi izmjena. Nadalje, ovom prilikom ističemo da se vode aktivnosti oko pokretanja rada BZK Ključ i BZK Sanski Most, i nadamo se da će u narednom periodu i u tom lokalnim zajednicama zaživjeti podružnice Bošnjačke zajednice kulture.

U prilog navedenog valja podsjetiti da je Bošnjačka zajednica kulture pravni nasljednik niza svojih institucionalnih preteča i pravnih prethodnika – najprije društva “Gajret”, osnovanog 1903. godine, društva “Narodna uzdanica”, osnovanog 1924. godine, jedinstvenog Muslimanskog kulturnog društva “Preporod”, nastalog 1945. godine spajanjem društava “Gajret” i “Narodna uzdanica”, čiji je rad odlukom tadašnjih vlasti obustavljen sve do 1949. godine, kada su vlasti ukinule rad ovog društva. Rad Kulturnog društva Muslimana Bošnjaka “Preporod” nastavljen je 1990. godine, a 1995. godine naziv je promijenjen u Kulturno društvo Bošnjaka “Preporod”, te je 1997. godine promijenjen u Bošnjačka zajednica kulture “Preporod”.

S poštovanjem.

Prilog:

1. Informacija o modifikaciji naziva Bošnjačke zajednice kulture.
2. Rješenje o preregistraciji,
3. Potvrda o promjeni podataka,
4. Uvjerenje o registraciji poreznog obveznika,
5. Obavještenje o razvrstavanju poslovnog subjekta prema klasifikaciji djelatnosti.
6. Karton deponovanih potpisa i Ugovor sa bankom.

Dostavljeno:

1. Ministarstvo obrazovanja, nauke, kulture i sporta USK, gosp. Denis Osmankić.
2. Archiva



**Predsjednik BZK Bužim i
koordinator BZK za USK**

Amir Stijahodžić

BOSNIA AND HERZEGOVINA
FEDERATION OF BOSNIA AND HERZEGOVINA
MINISTRY OF JUSTICE OF FEDERATION OF BOSNIA AND HERZEGOVINA

Broj: 04-05-2-369/98
Sarajevo, 25.10.2024. godine

Federalno ministarstvo pravde, rješavajući po zahtjevu udruge Bošnjačka zajednica kulture „Preporod“ u Bosni i Hercegovini za upis promjena u Registar udruženja, na osnovu članka 33. stavak 2. Zakona o udrugama i fondacijama („Službene novine Federacije BiH“, broj: 45/02) i članka 200. Zakona o upravnom postupku („Službene novine FBiH“, broj: 2/98, 48/99 i 61/22), donosi:

RJEŠENJE

Upisuje se u Registar udruga kod Federalnog ministarstva pravde Sarajevo, sa danom **25.10.2024** godine, promjena upisa za udruhu: **Bošnjačka zajednica kulture „Preporod“** u Bosni i Hercegovini, skraćeni naziv udruženja: **BZK „Preporod“**, sa sjedištem u Sarajevu, ulica **Branilaca Sarajeva broj 30**, upisano u Registar udruženja kod ovog ministarstva pod registarskim brojem **225**, knjiga I Registra, dana **06.01.1999**. godine, i to:

- Promjena Statuta Udruge** - usvajanje novog teksta Statuta, u skladu sa Odlukom Skupštine, broj 02-316b od 28.09.2024. godine,
- Promjena naziva Udruge**, na način da umjesto starog naziva „Bošnjačka zajednica kulture „Preporod“, novi naziv udruženja glasi: „**Bošnjačka zajednica kulture**“, u skladu sa Odlukom Skupštine broj 02-316 od 28.09.2024. godine.

Ostali upisi u Registru izvršeni po Rješenju broj: 04-05-2-369/98 od 06.01.1999., 13.11.2002., 09.02.2010., 25.03.2015., 24.05.2019., 30.11.2021. i 27.12.2023. godine ostaju nepromijenjeni.

Naknadu za upis u Registar u iznosu od 200,00 KM, udruženje je dužno uplatiti na Jedinstveni račun Trezora Federacije Bosne i Hercegovine.

OBRAZLOŽENJE

Udruhu Bošnjačka zajednica kulture „Preporod“ u Bosni i Hercegovini podnijelo je ovom ministarstvu zahtjev za upis promjena, i to: promjena naziva Udruge i promjena Statuta, radi upisa u Registar udruga.

Uz zahtjev je priložena sljedeća dokumentacija:

- Zahtjev za upis promjena u Registar – obrazac broj 6,
- Prijava promjene djelatnosti, statuta i članova upravnog tijela – obrazac broj 7
- Odluka o usvajanju Statuta broj 02-316b od 28.09.2024. godine,
- Odluka o prestanku važenja Statuta broj 02-316a od 28.09.2024. godine,
- Odluka o modifikaciji naziva Udruge broj 02-316 od 28.09.2024. godine
- Izvod iz Zapisnika sa Skupštine udruženja, održane dana, 28.09.2024. godine sa potpisima prisutnih delegata,
- Uplatnica na iznos od 200,00 KM na ime naknade troškova upisa promjena u Registar.

Uvidom u priloženu dokumentaciju utvrđeno je da su navedene promjene u svemu izvršene u skladu sa člankom 33. stavak 2. Zakona o udrugama i fondacijama i člankom 7. i 8. Pravilnika o načinu vođenja registra udruga i fondacija i međunarodnih nevladinih

organizacija („Službene novine Federacije BiH“, broj 61/02, 8/08 i 78/10), pa je slijedom navedenog riješeno kao u dispozitivu rješenja.


Naknada za upis u Registar utvrđena je po rješenju federalnog ministra pravde broj 01-341-750/14 od 18.02.2014. godine, na osnovu članka 54. stav 1. Zakona o udrugama i fondacijama.

POUKA O PRAVNOM LIJEKU:

Ovo rješenje je konačno u upravnom postupku, te protiv njega nije dopuštena žalba, ali se može pokrenuti upravni spor. Upravni spor se pokreće tužbom kod nadležnog suda u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prijepisu.

Dostaviti:

1. Udruženje,
2. Zbirka isprava,
3. Poreska uprava,
4. Arhiva,
5. Federalno ministarstvo kulture i sporta Sarajevo
M.L.





Broj: 07-04-4305-UP-1/2025
Bihać, 22.05.2025. godine

Na osnovu člana 33. stav 2. Zakona o udruženjima i fondacijama („Službene novine Federacije Bosne i Hercegovine“, broj: 45/02), rješavajući u predmetu upisa promjena u Registar udruženja Unsko-sanskog kantona za udruženje Bošnjačka zajednica kulture „Preporod“-Općinsko društvo Bužim, pokrenutog na zahtjev Sijamhodžić Amira, lica ovlaštenog za zastupanje i predstavljanje Udruženja, Ministarstvo pravosuđa i uprave **d o n o s i:**

R J E Š E N J E

1. U Registar udruženja Unsko-sanskog kantona, pod registarskim brojem K-IX-291 za udruženje Bošnjačka zajednica kulture „Preporod“-Općinsko društvo Bužim, upisuju se sljedeće promjene:
 - Dosadašnji naziv Udruženja: Bošnjačka zajednica kulture „Preporod“-Općinsko društvo Bužim, mijena se i glasi:
 - Bošnjačka zajednica kulture – Općinsko društvo Bužim;
 - Dosadašnji skraćeni naziv Udruženja: BZK „Preporod“ Bužim, mijenja se i glasi:
 - BZK Bužim;
2. Konstatira se donošenje novog Statuta Udruženja i promjena članova Upravnog odbora Udruženja.

O b r a z l o ž e n j e

Udruženje Bošnjačka zajednica kulture „Preporod“ – Općinsko društvo Bužim, obratilo se ovom Ministarstvu zahtjevom i prijavom za upis promjena u Registar udruženja, a koje se odnose promjenu naziva i skraćenog naziva Udruženja, donošenje novog Statuta i promjenu članova Upravnog odbora Udruženja, a u skladu sa odlukama Skupštine Udruženja od 28.04.2025. godine.

Uz zahtjev i prijavu dostavljen je novi Statut Udruženja, Odluka o razrješenju i imenovanju članova Upravnog odbora Udruženja i na obrascu broj 5-popis članova Upravnog odbora Udruženja.

Kako su dostavljeni svi dokazi utvrđeni članovima 7 i 8. Pravilnika o načinu vođenja registra udruženja i fondacija i stranih i međunarodnih nevladinih organizacija („Službene novine Federacije Bosne i Hercegovine“, broj: 61/02), a na osnovu kojih su utvrđene činjenice koje su predmet podnesenog zahtjeva, odlučeno je u skladu sa odredbom člana 33. Zakona o udruženjima i fondacijama kao i u dispozitivu ovog rješenja.

Taksa na ovo rješenje u iznosu od 80,00 konvertibilnih maraka (KM), naplaćena je po tarifnom broju 15. stav 1. tačka f) Zakona o administrativnim taksama i tarifi kantonalnih administrativnih taksa – prečišćeni tekst („Službeni glasnik Unsko – sanskog kantona“, broj: 17/16).

Pouka o pravnom lijeku: Ovo rješenje je konačno i protiv njega nije dozvoljena žalba ali se može pokrenuti upravni spor tužbom kod Kantonalnog suda u Bihaću u roku od 30 dana od dana prijema ovog Rješenja. Taksa na tužbu iznosi 50,00 konvertibilnih maraka (KM).

Dostaviti:

1. Bošnjačka zajednica kulture – Općinsko društvo Bužim, Bužim, ul. 505. Viteške brigade br. 55;
2. Federalno ministarstvo pravde, Sarajevo;
3. Ministarstvo obrazovanja, nauke, kulture i sporta, Bihać;
4. U zbirku isprava;
5. a/a.



Po ovlaštenju Ministra
Sek. Odjeka

Mumin Nezir, dipl. pravnik

V - STRUKTURA KANTONALNE VLASTI**A. ZAKONODAVNA VLAST KANTONA****1. Opće odredbe****Član 1.**

Zakonodavno tijelo Kantona je Skupština Kantona, koja se sastoji od jednog doma.

Član 2.

(1) Skupština Kantona se sastoji od 30 poslanika. Nacionalna struktura poslanika Skupštine održava nacionalnu strukturu stanovništva Kantona.

Član 3.

Poslanici u Skupštini Kantona imaju četverogodišnji mandat.

Član 4.

- (1) Poslanike u Skupštini Kantona biraju birači na demokratskim i neposrednim izborima, tajnim glasanjem, na cijelom teritoriju Kantona. Svaki birač ima pravo glasati za bilo koju od registriranih stranki.
- (2) Prije svakih izbora svaka registrirana stranka objavljuje izbornu listu kandidata. Poslanici će biti birani s vrha liste stranke prema broju dobivenih glasova; zamjene za poslanike obavljaju se od osoba koje slijede na ostatku liste.
- (3) Svaki birač može biti biran za poslanika u Skupštini Kantona.

Član 5.

Skupština Kantona prvi put bit će sazvana najkasnije deset dana nakon objavljivanja rezultata izbora.

Član 6.

Skupština Kantona ima predsjedavajućeg i zamjenike predsjedavajućeg.

Član 7.

- (1) U Skupštini Kantona formiraju se klubovi delegata konstitutivnih naroda, uz uslov da postoji najmanje jedan delegat tog konstitutivnog naroda.
- (2) Svaki klub delegata predlaže jednog kandidata iz reda svojih članova za izbor na mjesto predsjedavajućeg ili zamjenika predsjedavajućeg koje potvrđuje Skupština kantona.
- (3) Skupština Kantona potvrđuje kandidate u skladu sa svojim poslovníkom.
- (4) Ako jedan konstitutivni narod nije zastupljen u Skupštini Kantona, jedno od mjesta zamjenika predsjedavajućeg ostaje upražnjeno.
- (5) Tri kandidata koja potvdi Skupština odlučuju između sebe ko će biti predsjedavajući.

Član 8.

Skupština Kantona zasjeda javno, osim u izuzetnim okolnostima predviđenim njenim poslovníkom i objavljuje izvještaje o zasjedanjima i odlukama.

Član 9.

Poslanici u Skupštini Kantona ne podliježu krivično - pravnoj, ni građansko - pravnoj odgovornosti za radnje koje čine u okviru svojih dužnosti u Skupštini Kantona.


Član 10.

Kantonalni zakoni stupaju na snagu kao što je u njima utvrđeno, ali ne prije nego što budu objavljeni u službenom glasilu Kantona.

2. Djelokrug Skupštine Kantona**Član 11.**

Skupština Kantona:

- a) priprema, donosi, proglašava Ustav Kantona, amandmane na Ustav Kantona i ustavni zakon Kantona;
- b) donosi zakone Kantona;
- c) potvrđuje imenovanje Vlade Kantona i popunu svakog slobodnog mjesta u Vladi;
- d) osniva sudove u Kantonu;
- e) razmatra izvještaje ombudsmena;
- f) usvaja budžet Kantona i donosi zakone o oporezivanju i na drugi način osigurava potrebno finansiranje;
- g) bira delegate u Dom naroda Parlamenta Federacije u skladu sa Ustavom i zakonom Federacije i ovim Ustavom;
- h) odlučuje o delegiranju ovlaštenja Kantona na federalne i općinske vlasti;
- i) odlučuje o osnivanju savjeta Kantona zajedno sa drugim kantonima;
- j) odobrava zaključivanje međunarodnih sporazuma s državama i međunarodnim organizacijama u skladu s Ustavom Federacije i ovim Ustavom;
- k) utvrđuje politiku i donosi propise koji se tiču koordinacije rješavanja međukantonalnih pitanja;
- l) provodi istrage i u tu svrhu može zahtjevati svjedočenja, dokaze i dokumenta, ne ulazeći u ovlaštenje sudske vlasti;
- m) donosi poslovník Skupštine;
- n) donosi i druge propise u obavljanju kantonalnih ovlaštenja;
- o) obavlja i druga ovlaštenja koja su joj povjerena ustavom i zakonom Federacije i Kantona i poslovníkom Skupštine Kantona;



SLUŽBENI GLASNIK

UNSKO-SANSKOG KANTONA

Godina XIII - Broj 2

20. februara 2009.
BIHAĆ

Izdanje na bosanskom
jeziku

26.

Na osnovu odredbe člana 1. i 2. poglavlja IV Ustava Unsko-sanskog kantona – prečišćeni tekst ("Službeni glasnik Unsko-sanskog kantona", broj 1/04 i 11/04), Skupština Unsko-sanskog kantona, na 32. sjednici održanoj 29.1.2009. godine, donijela je

ZAKON O KULTURI

I. OSNOVNE ODREDBE

Član 1.

(Predmet ovog Zakona)

Ovim Zakonom uređuju se načela i ciljevi u oblasti kulture, razvoj kulturnih djelatnosti, uređivanje programa razvoja kulture, oblici međunarodne kulturne saradnje, uvjeti rada i djelovanja u oblasti kulture, razvoj amaterskog kulturnog djelovanja u oblasti kulture, finansiranje programa i projekata u oblasti kulture, kriteriji i mjerila u stvaranju i realizaciji programa, kao i očuvanje kulturnog naslijeđa i kulturnih

Član 2.

(Načela u oblasti kulture)

Ostvarivanje općeg interesa u kulturi zasniva se na načelima:

- a) slobode kulturnog stvaralaštva, djelovanja i izražavanja;
- b) sprečavanja cenzure;
- c) autonomije subjekata u kulturi;
- d) otvorenosti prema javnosti i građanima;
- e) uvažavanja kulturnih i demografskih vrijednosti evropske i nacionalne tradicije;
- f) obaveze Unsko-sanskog kantona (u daljem tekstu: Kantona) da podstiče kulturnu produkciju i očuvanje kulturnog i historijskog naslijeđa;
- g) demokratičnosti kulturne politike;
- h) ravnopravnosti javnopravnih i privatnopravnih subjekata u osnivanju ustanova i drugih pravnih lica u kulturi i ravnopravnosti u radu svih ustanova i drugih subjekata u kulturi;
- i) decentralizacije u organizovanju i finansiranju kulturnih djelatnosti.

Član 3.

(Opći interes u oblasti kulture)

Opći interes u oblasti kulture obuhvaća:

- a) stvaranje mogućnosti za intenzivan i usklađen

- b) stvaranje uvjeta za podsticanje stvaralaštva u kulturi, prenošenje i dostupnosti kulturnih vrijednosti;
- c) zaštitu kulturnih dobara u skladu sa zakonom;
- d) obrazovanje kadrova za pozive u oblasti kulture;
- e) naučna istraživanja u kulturi;
- f) podsticanje međunarodne kulturne saradnje;
- g) širenje i unapređivanje edukacije u oblasti kulture;
- h) podsticanje mladih talenata u oblasti kulturnog stvaralaštva;
- i) podsticanje donatorstva i sponzorstva u kulturi;
- j) podsticanje amaterskog stvaralaštva u kulturi.

Član 4.

(Ostvarivanje općeg interesa u kulturi)

Opći interes u oblasti kulture se ostvaruje:

- a) realizacijom kratkoročnih i dugoročnih programa rada u oblasti kulture na nivou općina i Kantona;
- b) osiguranjem uvjeta za rad i razvoj kulturnih djelatnosti;
- c) osiguranjem sredstava za djelatnost kulture iz budžeta Kantona i budžeta općina;
- d) neposrednim finansiranjem kulturnih programa, odnosno projekata od posebnog značaja iz budžeta Kantona i budžeta općina;
- e) stvaranjem javne infrastrukture u oblasti kulture;
- f) stimulativnom poreskom politikom;
- g) postavljanjem posebnih uvjeta za vršenje pojedinih djelatnosti u oblasti kulture ako to zahtijeva priroda tih djelatnosti;
- h) osnivanjem javnih ustanova kulture i osiguranjem uvjeta za njihov rad;
- i) osnivanjem fondova za pojedine oblasti kulturnih djelatnosti;
- j) posebnom brigom o istaknutim kulturnim stvaraocima;
- k) utvrđivanjem nagrada u kulturi.

II. DJELATNOSTI U OBLASTI KULTURE I NJIHOVI NOSIOCI

Član 5.

(Definicija kulturne djelatnosti)

- (1) Pod kulturnom djelatnošću u smislu

očuvanja kulturnih vrijednosti u oblasti književne, muzičke, plesne, pozorišne, muzičko-scenske, likovne, folklorne, filmske i videodjelatnosti, očuvanja kulturnog naslijeđa, izdavaštva, arhivske, muzejske, bibliotečke te izložbeno-galerijske djelatnosti.

(2) U spornim slučajevima, da li je pojedina djelatnost kulturna djelatnost u smislu odredaba ovog Zakona, rješava Ministarstvo obrazovanja, nauke, kulture i sporta (u daljem tekstu: Ministarstvo) na osnovu prethodno pribavljenog mišljenja Savjeta za kulturu.

Član 6.

(Nosioci djelatnosti u kulturi)

(1) Djelatnost u oblasti kulture mogu obavljati domaća i strana pravna i fizička lica ako ispunjavaju uvjete propisane ovim ili posebnim zakonom.

(2) Djelatnost u oblasti kulture pod uvjetima utvrđenim ovim Zakonom mogu obavljati ustanove i udruženja koja su registrirana za obavljanje kulturne djelatnosti, te pojedinci kao neposredni nosioci i izvršioци određene kulturne djelatnosti.

(3) Javne ustanove u oblasti kulture osniva Skupština Unsko-sanskog kantona (u daljem tekstu: Skupština Kantona) za Kanton, odnosno općinsko vijeće za općinu.

(4) Ustanove i udruženja osnivaju se za obavljanje djelatnosti iz člana 5. ovog Zakona ako cilj obavljanja te djelatnosti nije stjecanje dobiti.

III. UDRUŽIVANJE U OBLASTI KULTURE

Član 7.

(Udruženja i fondacije u kulturi)

(1) Građani se mogu udruživati u udruženja u skladu sa posebnim zakonom, s namjerom da u njima:

- a) vrše kulturne djelatnosti,
- b) udruže interese u pojedinim oblastima kulture,
- c) bave se stručnim pitanjima u oblasti kulture,
- d) daju doprinos boljem odnosu prema kulturnim dobrima i prema razvoju kulturnih djelatnosti.

(2) Udruženjima i fondacijama u oblasti kulture u skladu sa posebnim zakonom, čija namjena i djelovanje prelaze ostvarenje interesa njihovih članova i imaju značaj djelovanja u javnom interesu u oblasti stvaranja, posredovanja i

f) iznosi stavove i mišljenja kada određena aktivnost u kulturi zagovara nasilje, šund, pornografiju, rasnu, vjersku, nacionalnu ili spolnu netrpeljivost.

VI. FINANSIRANJE PROGRAMA U OBLASTI KULTURE

Član 13.

(Finansiranje općeg interesa u oblasti kulture)

(1) Za ostvarivanje općeg interesa u oblasti kulture osiguravaju se sredstva iz budžeta Kantona i budžeta općina u skladu sa njihovim programima za slijedeće namjene:

- a) za očuvanje kulturnog naslijeđa,
- b) za pripremanje i izvođenje programa i projekata, akcija i manifestacija u oblasti kulture,
- c) za investicije u javnu infrastrukturu u oblasti kulture,
- d) za podsticaj umjetničkog stvaralaštva i za nagrade u oblasti kulture,
- e) za uplatu doprinosa za penziona i zdravstveno osiguranje samostalnih umjetnika u skladu sa posebnim zakonom. w

(2) Obim i vrsta zadataka u pojedinim oblastima su sastavni dio programa u oblasti kulture Kantona i općina.

Član 14.

(Izdvajanje iz budžeta)

(1) Sredstva za zadovoljenje javnog interesa u oblasti kulture iz člana 3. i 4. ovog Zakona osiguravaju se iz Budžeta Unsko-sanskog kantona u visini najmanje 0,7 % od ostvarenih poreskih prihoda Budžeta u tekućoj godini.

(2) Općine će za potrebe kulture na području svoje lokalne zajednice u budžetu općine planirati sredstva u skladu sa svojim mogućnostima.

(3) Općine koje osiguraju vlastito učešće od najmanje 1/3 sredstava neophodnih za finansiranje programa i projekata navedenih u članu 13. ovog

Član 15.

(Obaveznost izvještavanja o utrošku sredstava)

Izvođači programa i projekata u oblasti kulture, koji se finansiraju ili sufinansiraju iz budžeta Kantona/općine, podnose Ministarstvu ili nadležnoj općinskoj službi, najkasnije do kraja februara, izvještaj o realizaciji programa i korištenju dobivenih sredstava za proteklu godinu.

VII. JAVNA INFRASTRUKTURA U OBLASTI KULTURE

Član 16.

(Nekretnine i oprema)

(1) Nekretnine i oprema, koje su državna svojina i namijenjeni su za vršenje kulturnih djelatnosti, predstavljaju javnu infrastrukturu u oblasti kulture.

(2) Ministarstvo i nadležna općinska služba vode evidenciju nekretnina koje čine javnu infrastrukturu u oblasti kulture.

Član 17.

Bliži propis o načinu i vođenju evidencije nekretnina koje čine javnu infrastrukturu u oblasti kulture donosi ministar.

VIII. NADZOR

Član 18.

Nadzor nad primjenom ovog Zakona vrši Ministarstvo.

IX. PRELAZNE I ZAVRŠNE ODREDBE

Član 19.

(1) Obavljanje pojedinih djelatnosti iz člana 5. ovog Zakona bliže se uređuje posebnim zakonom.

(2) Na ustanove i udruženja primjenjuju se propisi o ustanovama i udruženjima i fondacijama, kao i drugi propisi ako ovim Zakonom nije drugačije uređeno.

Član 20.

Ministar će donijeti podzakonske akte za

(2) Pravo o prisustvu sjednicama odborava se u skladu sa Pravilnikom o javnosti rada Skupštine i njenih radnih tijela;

Član 90.

(1) Na prijedlog poslanika Skupštine ili kluba poslanika, sjednica Skupštine ili dio sjednice može biti održana bez prisustva sredstava javnog informisanja, odnosno zatvorena za javnost.

(2) U slučaju iz stava (1) ovog člana predsjedavajući Skupštine može dati saopćenje za javnost.

Član 91.

(1) Sjednice komisija Skupštine u pravilu su otvorene za javnost.

(2) Izuzetno, sjednice ili dijelovi sjednica komisija mogu biti zatvoreni za javnost ako se odnose na razmatranje pitanja ili saslušanja vezana za rad ili uz prisustvo predstavnika organa vlasti, stručnjaka ili poslanika posebnih socijalnih interesa.

(3) U slučaju iz stava (1) ovog člana predstavnicima sredstava javnog informisanja i građanima biće omogućeno prisustvovanje u skladu sa prostornim mogućnostima.

Član 92.

(1) Gost na sjednicama Skupštine i radnim tijelima ima pravo da:

- a) zatraži da dobije riječ od predsjedavajućeg, nakon što se o tom izjasni Skupština, i to samo o pitanju o kome se raspravlja, ne duže od 10 minuta.
- b) daje prijedloge Skupštini za rješavanje određenih pitanja na osnovu poziva Skupštine.

VI. AKTA SKUPŠTINE

1. Opće odredbe o aktima

Član 93.

Skupština donosi Ustav, kantonalni budžet i izvještaj o izvršenju budžeta, prostorni plan Kantona, Poslovnik Skupštine, zakone, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta i mišljenja na zakone i druge akte kada je u pitanju podijeljena nadležnosti između

Član 94.

(1) Skupština vrši izmjene ili dopune općih akata Skupštine, zakon mijenja ili dopunjuje zakonom, a ostale opće akte, osim zaključka, odlukom.

(2) Autentično tumačenje se ne može mijenjati ili dopunjavati.

Član 95.

(1) Odluka je skupštinski akt koji se donosi radi izvršavanja ili konkretizacije Ustava, zakona ili drugih općih akata ili njihovih pojedinih dijelova.

(2) Odlukom se odlučuje i o drugim pravima i obavezama Skupštine kada je to Ustavom, zakonom, drugim općim aktom ili ovim Poslovnikom određeno.

Član 96.

(1) Zaključkom Skupština odlučuje o svom radu i o radu radnih tijela Skupštine i Službe Skupštine.

(2) Zaključkom Skupština može zauzeti stav o pitanju koje razmatra, uključujući utvrđivanje obaveza za Vladu i kantonalne organe uprave u pogledu pripreme zakona ili drugih propisa i općih akata ili vršenja drugih poslova iz njihovog djelokruga.

(3) Radna tijela Skupštine donose zaključke iz svog domena rada.

(4) Zaključci iz stava (3) ovog člana su obavezujući za nosioce obaveza na koje se odnose.

Član 97.

Deklaracijom se izražava stav Skupštine o političkim pitanjima i drugim bitnim pitanjima od interesa za Kanton, Federaciju Bosne i Hercegovine ili Bosnu i Hercegovinu.

Član 98.

(1) Rezolucijom se utvđuje političko djelovanje u svim ili pojedinim oblastima iz

Na osnovu člana 11. m) odjeljka A poglavlja V Ustava Unsko-sanskog kantona-prečišćeni tekst ("Službeni glasnik Unsko-sanskog kantona", broj: 01/04 i 11/04), člana 95. Poslovnika o radu Skupštine Unsko-sanskog kantona ("Službeni glasnik Unsko-sanskog kantona", broj: 9/17, 11/21), člana 2. stav (1) tačka e) i f), člana 3., člana 4. stav (1) tačka b) i c) i člana 13. Zakona o kulturi ("Službeni glasnik Unsko-sanskog kantona", broj: 02/09), na prijedlog Vlade Unsko-sanskog kantona, Skupština Unsko-sanskog kantona, na sjednici održanoj _____2025. godine, d o n o s i

ODLUKU

o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton

Član 1.

U Odluci o utvrđivanju nacionalnih kulturnih društava od posebnog značaja za Unsko-sanski kanton broj: 01/1-2-45-211/23 od 15.11.2023. godine („Službeni glasnik Unsko-sanskog kantona“, broj: 27/23), u članu 2., stav (1), alineja 1, riječ „Preporod“ se briše.

Član 2.

Ova odluka stupa na snagu osmog dana od dana objavljivanja u „Službenom glasniku Unsko-sanskog kantona“.

Predsjedavajući Skupštine
Unsko-sanskog kantona

Nisvet Jusić, prof.

Broj:

Datum: